

EGUNEKO DIANAK

Bilboko Udala



Bilboko Udala eta Kultura eta Progresorako Nazioarteko Elkarrekin sinaturiko akordioak ahalbideratu du 10-15 urteko laurogei ume errusiarrek Euskal Herria bisitatu ahal izatea. Haur horiek Txernobileko zentral nuklearreko isturpu larriak ixurritako erradioaktibitatea jasan behar izan zuten tamalez. Briansk lurraldekoak bait dira, Errusiako Errepublikako eremu kaltetueneoak, alegia / 7

Donapaleuko Mixains elkarteak



Gaur plazaratuko da Donapaleun bertako XLI Herri Kirol Festibala, Mixains elkarteak antolatuta. Kirol jaialdien artean instituzio bihurtu den Donapaleuko horrek Lapurdi, Nafarroa Beherea eta Zuberoako herri kirolari gehienak biltzen ditu urtero eta lurralde horietan gaur egun egiten diren festibalen eredu da / 25

Cosi Fan Tutte



Herenegun taularatu zen Donostiako Victoria Eugenia antzokian Mozarten 'Cosi Fan Tutte' opera eta arrakasta handia izan zuen. Opera komikoen esparruetako obra horrek jenero horren mugak apurtu zituen, entzulego-ikusle goaren arreta lapurtu eta horren truke jendearen txalo zartadak jaso / 29

Getxoko Hizkuntz Eskola



Bilbo Handiko zenbait hizkuntz eskola pribatuk salatu egin dituzte Getxoko Hizkuntz Eskolako ingeles azterketetan izandako irregulartasunak. Salaketaren arabera, Getxoko hizkuntz eskola ofizialak emaitzak kaleratu zituen, baina ez azterketak zuzenduta. Erreklamazioak ere oztopatu omen zituen eskola ofizialak, akademia pribatuok adierazi dutenez / 9

Xole Etxegia, ETBko kotxeak biltzen dituen goizuetarra

JOXAN OIZ / GOIZUETA

Goizuetarrak jaietan daude «jo eta fuego erori arte gainera», Xole Etxegiak esaten duen modura. Xolek, hala ere, aspaldi hasi zituen ospakizunak. Arrazoiak, berezkoa duen dohaina: ETBra joan, bertako sariketan parte hartu eta ahal dituen kotxe guztiak irabazi. Besteak beste, bi kotxe irabazi ditu, «lehenengo aldia 'Kalejira' saioan izan zen, Mirari ahizpak eta biok irabazi genuen, bigarrena, 'Txandaka-n' nik bakarrik».

Nafarra baina batez ere euskaraz mintzo den nafarra izateak eman zien aukera sariketan parte hartzeko, «Oso nafar gutxi idazten omen zuten eta gure datuak zeuzkatenez dei egin ziguten». Deiaz geroztik, bidaia irabaztearekin bakarrik egiten zuen amets egunerok, «eta irabazi, irabazi genuen baita kotxea ere, ordea». Orduan, Mirarrentzat izan zen ibilgailua.

Inork ez idazteak (ez nafarra ez gipuzkoarra ez Muskildikoa ere) eraman omen zuen Xole bigarren aldiz ETBra. «Saio pilotu moduko bat egiteko deitu zidaten eta orduan ere irabazi egin nuen: beste beste bidaia, dozena erdi sari eta kotxea berririo». Hau, berriz, Xolerentzat.

«Ziur honez gero ez didate berriro deituko», esaten du berriz. Lehenengo kotxea bi hilabete buru eman omen zieten. Bigarrena, ordea, berantatzen ari da. Bigarren sariketan irabazitako hozkailu, mendiko



bizikleta, argazki kamara, musika kate eta beste traste saldua, aldatu ahal izan omen du emandako kotxea beste handixeago-

ko batengatik, «R-5, R-19 baten trukean, ez dago gaizki».

ETBko bi agerpen horiek ez beste, Xolek ez du inoiz ez beste

SOSLAIA

Bakero baino famatuago

Bi kotxe irabazteak ez dio bizimodua konpondu, baina, tira, famatu, pixkat famatu du Xole. Dagoeneko zenbait aldizkari eta egunkari atera omen dute hainbat erreportaitan. Añorgara lehenik eta gero Barcelonara joandako Joxemari Bakerok utzitako goizuetar famatuen txokoa erraz beteko luke Xole Etxegiak. Hori gure kontu. Bitartean, tabernako barraz bestaldean batzutan, eta alde honetan besteetan, Xole Goizuetako festez gozatzen saiatuko da. Gero, abuztuaren 30ean: ospa! ETBn irabazitako bidaiarekin mundutik bueltatxo bat ematera.

sariketetan parte hartu. Bitik bi, alegia. Gaur egun Goizuetako taberna batean egiten du lan eta, erreduzari sortzen ez dion arren, famatu izatearen pisua ezagutu du: «gelditu izan naute kalean eta horrela, baina horregatik nere bizitza ez da aldatu».

Lehenengo urteko azaroan egin zuen estraineko agerraldia. Bigarrena, pasa den ekainean «baina grabatu maiatzetan grabatu nuen». Gurekin hitzegin eta gero gogora etorri zaizkio berriro une pozgarri horiek, hala eta guztiz ere, burutik ez zaio pasa berriro beste sariketa batera aurkeztea, momentuz. Hobeto hala bada, bestela ETBkoek hasi beharko dute kontzesionarietara deika.


LERRO GUTXITAN

Alzolako gizon bat atxilotuta Ondarroan sexu gehiegikeriagatik

Jose Manuel T. L. 46 urteko Alzolatarra atxilotu zuen Ertzaintzak lehengo ostegunean «bi neska txiki-ekin egindako abusu desonestuagatik», polizia gorputz honek berak atzo kaleratutako agiriak dioenez. Kanean jolasten ari ziren 8 urte inguruko bi neskatza ondarrutar izan ziren Jose Manuel T. L.ren biktimak, aipatu albistearen arabera.

Atrakatzaileak harrapatuta kotxe lasterketa ostean

Lau lagun atxilotuta eta milioi erdi pezetako dirutza (25.000 libera inguru) izan da Polizia Nazionalak herenegun Bilbon egindako operazioaren emaitza. Poliziek emandako datuen arabera, atxilotuta kotxez egindako pertsekuzioaren emaitza izan zen, Bilboko kaleetan zehar.



HAMABI mila lagun bildu ziren Memphis-en Elvis Presley omentzearen, bere heriotzaren 14. urtemuga zela eta. Denetarik egon zen, ohizko negarrak, garraisi, nabarmenkeria eta fans deskontsolatuaren muntaia. Doluminak itota dagoen argazkikoa, bai, argazkikoa, Iruñekoa da: Francisco Romero delako bat.

Zazpi lagun hil eta gero bere buruaz beste egin

Zazpi lagun hil eta beste horrenbeste lagun zauritu zituen atzo Sidney hirian bere buruaz beste egin zuen gizonak. Australiako hiri horretako poliziak emandako datuen arabera, hiltzaileak AK-47 fusil batekin egin zuen sarraskia Strathfield Plaza merkatal zentruan, eroslez beteta zegoenean. Poliziak ez du zehaztu biktima gehiago egon ote daitezkeen.

HIESari buruzko ihardunaldiak bertan behera Harvaden

Harvard unibertsitate estatubatuarrean datorren urtean egiteko ziren HIESari Buruzko Nazioarteko Ihardunaldiko prestakizunak ez dira egingo, EEBBeko gobernuak «jarritako traba eta egindako muzinak salatzearen», Harvadeko arduradunek lehengo ostiralean adierazita koaren arabera.

Latinoamerikako biztanleen % 64 miseria gorrian bizi da

Nazio Batuen Erakundeak (NBE) egindako azterketa baten emaitzen arabera, 270 milioi latinoamerikar miseria gorrian bizi da; hau da, Latinoamerikako biztanleen % 64 ia batere dirurik gabe dago. Nazio Batuen Garapenerako Programak gauzatu du txostena eta Fernando Zumbado ekonomilari peruarrek plazaratu eman. Zumbadoren ustez «pobrezia edozein gaixotasun baino azkarrago hedatzen ari da Latinoamerikan». Zumbadok esandakoaren arabera, «arazo horri konponbidea eman behar zaio, miseria eta txirotasun hori nabarmena delako eta kontinentearentzat arriskutsua gerta daitekeelako». Latinoamerikako herrialdeen artean Chilek izan ditzake aurrikuspen ekonomikorik onenak.